

Lescha digls lungatgs ufizials digl vaschinadi Muntogna da Schons

I Determinaziùns generalas

Art. 1

La lescha regla igl diever digls lungatgs ufizials rumàntsch a tudestg antras las autoritats comunalas a l'administraziùn.

Art. 2

Teritorialitàd

Tut las vischnàncas digl vaschinadi Muntogna da Schons satgatan sen territori rumàntsch.

II Diever digls lungatgs ufizials

Art. 3

A buca

Durànt tarvaschegns, an suprastàntza comunala ad an cumissiùns dastgan igls lungatgs ufizials vagnir duvros librameing. La parsùna ca magna las sasidas promova igl diever da tut igls lungatgs ufizials.

Art. 4

Publicaziùns

Las publicaziùns impurtàntas vignan publicitgeadas an amadus lungatgs ufizials, surtut:

- a) la constituziùn, la lescha da taglias, la lescha par l'indemnisaziùn dad autoritads comunalas, la lescha da lungatg a la lescha da promoziùn digl lungatg rumàntsch a las ordinaziùns coraspundaintas
- b) documaints da votaziùns a d'elecziùns, lungatg sen giavisch
- c) singulas publicaziùns agl figl ufizial surtut anvids agls tarvaschegns
- d) las comunicaziùns da las autoritads comunalas a da l'administraziùn comunala, schinavànt c'ellas sadrezan a l'antiera populaziùn digl vaschinadi
- e) messadis pigl tarvaschegns
- f) publicaziùns, reclamas a la grànda part da la pagina web.

Suandàntas publicaziùns vignan fatgas da prinzipi par rumàntsch

- a) inscripziùns
- b) products da stampa (tgieus da breavs, bols,)

Suandàntas publicaziùns vignan fatgas par tudestg

- a) raports, expertisas, leschas

La suprastàntza lascha cunzeder exepziùns par comunicaziùns ca sadrezan ad egn ravugl spezial da parsùnas near c'en da muntada inferiura.

Dezisiùns a disposiziùns da las autoritads comunalas a da l'administraziùn sadrezan par regla tanor la dumonda inoltrada a scret.

Art. 5

Coraspondenza

1. Mintga parsùna sa sadrizar a las autoritads comunalas ad a l'administraziùn an egn lungatg ufizial tanor giavisch.
2. Las autoritads comunalas a l'administraziùn raspundan sen dumondas a scret par regla an que lungatg ufizial ca la dumonda e vagnida fatga.
3. Dumondas a buca vignan par regla raspundidas an que lungatg c'ellas en vagnidas fatgas.

Art. 6

Protocols

Igls protocols vignan screts an egn lungatg ufizial.

Art. 7

Inscripziùns

Inscripziùns sen bietgs publics digl vaschinadi suczedan an rumàntsch.

III Disposiziùns finalas

Art. 8

Execuziùn

La suprastànza comunala e incumbensada da exequir quella lescha.

Art. 9

Antrada an vigur

La lescha digls lungatgs ufizials digl vaschinadi Muntogna da Schons aintra an vigur imediat suainter c'igl tarvaschegns â prieu par bien ella.

Apruvo agl tarvaschegns digls 2 da zarcladur 2023

Par la suprastànza digl vaschinadi Muntogna da Schons

Marco Dolf



igl president



Tina Sulser



la canzlista